



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Benedictus Redivivus Hoc est: Benedictinij Ordinis  
Vetustißimi Amplißimique, Nostra, ac supera ætate  
Jmmarcescibilis Vigor, ac Viror**

**Bucelin, Gabriel**

**[Veldkirch], Anno Christi. M.DC.LXXIX.**

Iesu Christi Annus. M.DC.LV. Sancti Patris Benedicti. M.C.LXXV.

**urn:nbn:de:hbz:466:1-38498**

è quo se non & Dominorum Abbatū, & Religiosorum plurimorum, cum singularis eruditio proderet, tum sanctioris & perfectioris vitæ manifesta se signa proderent; omnia & merito ad B E N E D I C T I Patris & Patriarchæ in suis R E D I V I V I, DEIQUE in primis Optimi Maximi gloriam referenda.

IESU CHRISTI ANNUS. M. DC. LV.  
Sancti Patris Benedicti. M. C. LXXV.

Obijt An-  
tonius Ro-  
re Abbas  
Tornacensis

Magni occasu syderis luget hoc anno Belgium Reverendissimi & Religiosissimi viri Antonij Roore Abbatis S. Martini Tornacensis obitu, seu potius ad superos abitu tristissimū. Is Magni illius Abbatis Jacobi de Marquais, olim discipulus, magnarumque deinceps virtutum, pius amulus, imo idem deinceps quasi per omnia extitit, in quo nihil non sanctum & egregium effulsit. Fuit Disciplina Monastica & rei litterariæ promotor singularis, suæque vitæ exemplo non tantum ad perfectionis studium plurimos invitavit, sed incitavit & utilissimè pertraxit, Præsul magnorum meritorum. Bibliothecam splendidam à fundamentis erexit, quam etiam innumeris penè libris adauxit. Devotionis studio deditissimus fuit, inq; meditatione & oratione totus sacris ignibus exarsit, ut flammescens igne charitas, non posset non ardore proximos accendere. Biennio ante obitum Coadjutorè sibi adjunxit, qui temporalia curaret, totum sese deinceps in Divina effundens, & ad mortem præparans, qua & feliciter hoc anno, in Vigilia Sancti Thomæ Apostoli decessit, sub quartam matutinam se lectulo proripiens, & in genua, procidens, ut cor suum in conspectu Domini inter ardentis preces effunderet, quas inter phlegmate oppressus quietissimè spiritum exhalavit, regiminis anno 33. Ex Monumentis præfati Cænobij.

Sanctissime  
inter pre-  
ces genufic-  
tens obijt.

Catharina  
Abbas.  
Clusensis.

Nec minus inter sacras Deo Virgines nostras inferioris Germaniæ pia contentio & æmulatio inter Monasteria hoc ipso tempore viguit, cum quodvis alterum laudabilissimo sacri profectus studio superare satageret. Ex his felicissimæ recordationis Catharina Leing Abbatisa seu Marer amantissima S. Joannis Baptistæ Monasterij Clusensis exemplo cum omnibus esset, isto tantum

potuit, ut ad illud multa alia Cænobia se converterent & componerent; quam tamen hoc ipso etiam anno Optimum Numen ad præmia laborum sempiterna evocavit, uti & Agnetem S. Egidij Monasteriensis Urbis Abbatissam, è Dominis de Merveldt oriundam, cum inter magnas patriæ turbationes imperturbata, ipsa annos quadraginta, Monasterio suo utilissimè præstitisset; & admirabili rerum successu disciplinam monasticam prolataisset, ita ut inde sibi non solum plurima Monasteria exemplaria perfectioris vitæ expecterent, sed & Abbatissas postulare, uti Monasterium S. Gertrudis prope Osna burgum Barbarâ ab Hovel, Oisterholtanum Joannam de Davensperg, Sancti Vdalrici Paderbornense Sophiam de Wendt sibi assumpserit. Obijt zelotissima hæc Agnes nostra hoc ipso anno ultima die Februarii, non magno sui apud suas solummodo relicto desiderio, sed apud diversorum Monasteriorum sacras Virgines, quæ ad ipsam tanquam communè omnium Matrem respexerant, haud minimo etiam fructu in ipsos etiam sæculares, ab egregio ejusdem vitæ exemplo redundante.

Agnes Ab-  
bat. S. Egi-  
dij Mona-  
sterij.

Exempla-  
ria sibi pe-  
tunt varia  
Monaste-  
ria.

Nec requirenda in tam manifesto Divini Spiritus, cui Sanctissimus Patriarcha Noster B E N E D I C T U S servivit, regimine, tantis nostræ ætate exemplis comprobato, in tam manifestè Numini devotis viris ac Viragibus, miracula, etsi nec ipsa quidam in hæc mundi senecta decissent. Cujusmodi hoc ipso etiam anno, tanto post obitum Reverendissimæ & Serenissimæ Antonietæ Aurelianensis Principis, præcipuè olim Calvariensium nostrarum Institutricis sese prodidit. Sed de hoc Calvariensium rerum sincerissimum, & Religiosissimū Scriptorem audiamus: Multa, inquit, DEUS Optimus Maximus miranda meritis gratissima sibi famule operari dignatus est, quæ alio & prudenti sepulta silentio volunt dignæ humillima parente modestissima Virgines, Divinæ Providentiæ, quæ mirabilis est in Sanctis suis, committentes ea palam facere, quæ sui amplius ad gloriam & meritam commendationem cessura intellexerit. Id unum notum omnibus, quod pluribus fide dignissimis cognitum est, cupiunt. Videlicet

Ven. An-  
nietta Pr.  
Aurelian.  
miraculis  
& morte  
claret.



anno Domini millesimo sexcentesimo quinquagesimo quinto, die vigesima quarta Martij (in festo S. Gabrielis & pervigilio Annuntiationis) cum de mandato ac licentia Vicarij Generalis, Illustrissimi Præsidis Pictaviensis, terram effodi curasset, ubi illa prefata Anthonieta aliè humo mandata fuerant. Vix patuit ipsa humus, cum inustitato odore violas rosasque spirante, pervisum se obstupuit latomus; qui quo magis terram proscindebat, eo gravior & spirantior odor ipse efflabatur. Omnes Pictaviensis Domus Moniales, multique alij eodem odore suffusi sunt: qui libris, epistolis, chartis, lineis, pannis, sericis, omnibus denique vasis, quibus nonnihil pulveris illius, in quem dicta illa redacta fuerant, aspersus, caelestem eundem odorem indebat: quem quidem Divinum quid sapere, nec naturalem fuisse constat, eo clarius, quod nullis aromatibus condita illa fuisse viscera certum est; imo calce viva copiosissime perfusa. Multi hys corporis partibus quibus laborabant, modicum quid sacrorum cineram inspergentes statim convalescere, multi quamprimum mitigatos fuisse dolores, gratulantur quotidie; dictusque odor mirantibus omnibus, perennis ipsis cineribus haeret. Ita citatus Author.

IESU CHRISTI ANNUS. M.DC. LVI.

Sancti Patris Benedicti. M.C.LXXVI.

**P**Ræter mirabiles effectus & fructus in Regia sua Domo & Residencia Matris Gratiae, Montferrateni, nec non tota, ab eadem cognominata, educata, & educata amplissima Ordinis Benedictini Congregatione, virorum scilicet, in summa Virtutum omnium eminentiam summe conspicuorum & illustrium, non minus tamen sese Materfamilias illa Virgo Virginum sub Titulo Matris Sapientiae, Admirabilem hoc ipso tempore, Hispanijs & Orbi universo comprobavit: dum ex Gymnasio illo & promptuario sanctitatis, eruditio- nis non minus splendores, tanquam è Firmamenti sui thesauris, sidera in theatro orbis, mirabiliter produxit; neque multo minus quam in Hermanno Contracto, & Ruperto Tuitiensi, nostris, verè Admirabilem sese Matrem prodidit, dum in horum dictatis & scriptis, non minus quam in illorum excelleret. Paucos, qui nostravixere ætate, & multi etiam nunc superstites sunt, cum ad suum quemque locum inferere nequiverimus, recenscamus.

Illustrissimus & Reverendissimus P. D. Antonius Perez Archiepiscopus Caesar-augustanus, &c. de quo paulo supra, alia inter scripsit: Lauream Salamantinam, Pentateuchon Fidei, item tres Tomos supra Regulam S. P. N. BENEDICTI. Quatuor Tomos in lingua Hispanica de Conceptibus Evangelicis. Item Authenticam Fidem quatuor Evangeliorum: & plura alia.

P. D. Prudentius de Sandoval, scripsit Historiam Caroli V. imp. & Regis Tomis duobus. Item plures alios libros Historicos de diversis Regibus & Provincijs.

P. D. Jldophonus de Sancto Victore, scripsit linguâ Hispanicâ duos Tomos, inscriptos Sol de Occidente. Item, contra Gallonium, & Patres Basilianos arrogantes sibi antiquitatem habuit.

P. D. Josephus de la Cerda, vir eruditissimus, scripsit De Verbo Incarnato; duos nempe Tomos Commentariorum in Iudith, p. uraque alia incomparabilia.

P. D. Didacus à Sylva scripsit sex Tomos in Partes Divi Thoma Doctoris Angelici, & de facto pergit scribere varia digna nomine suo, & ipsa immortalitate.

P. D. Joannes Caramuel de Lobkowitz, nunc Archiepiscopus Otratinus, quanta scripserit novit etiam Germania nostra, & Europa universa.

D. P. Franciscus de Lemos scripsit supra Hieremiam Prophetiam Commentaria.

P. D. Andreas de Moneda scripsit Cursum Theologicum & Philosophicum, & plura molitur.

P. D. Didacus de Macilla, scripsit supra Concilium Tridentinum, Pentateuchon Fidei, & alia plura reliquit magni ingenij monumenta.

P. D. Didacus Malodeanduzza, etiam Viri illustri- amnum superstes, scripsit septem libros sres Ord. Concionum in lingua Hispanica.

P. D. Antonius de Jopez Historiographus Ord. de hoc Tomos VII. doctissime elaboravit.

P. D. Josephus de Argais, scripsit quatuor Tomos de Annalibus Regum Hispanie, vivit huc usque & subijcit prælo opera quatuordecim.

P. D. Antonius Gomez, scripsit librum cujus Titulus Moyses Hispanicus: & tres Tomos de Conceptibus Evangelicis.

P. D. Petrus de Miranda, scripsit de vera scientia & plura hodie meditatur.

P. D. Fulgentius de Oviedo scripsit utiliter de Theologia Morali.

P p 2

P. D.

scriptores  
Benedictini  
Montfer-  
rat. Congr.